



Møtebok

for

Råd for menneske med nedsett funksjonsevne

Møtedato: 12.11.2018
Møtested: Kommunestyresalen
Møtetid: 13.00

Møtedeltakarar	Parti	Rolle
Jannicke Helland		Utvalseiar
May Britt Vågenes Gjerde		Nestleiar
Johannes Kolås		Medlem
Berly Hella		Medlem
Anna Hella Kartveit		Medlem
Mai-Liss Sylta Møn		Medlem

Andre møtande:

Økonomisjef Sveinung Kvamme i sak 020, arealplanleggar Rolf Raknes i sak 021,
møtesekretær Arthur Kleiveland

Underskrifter:

Jannicke Helland
leiar

Arthur Kleiveland
møtesekretær

Sakliste

Saknr	Tittel
017/2018	Godkjenning av innkalling og saksliste
018/2018	Godkjenning av møtebok
019/2018	Meldingar og referatsaker
020/2018	Budsjett 2019 - handsaming i råd for menneske med nedsett funksjonsevne
021/2018	Kommuneplan for Radøy kommune - temarevisjon - høyring i råd for menneske med nedsett funksjonsevne
022/2018	Politisk styringsstruktur Alver kommune - uttale Råd for menneske med nedsett funksjonsevne

Radøy kommune

Saksframlegg

Saknr	Utval	Type	Dato
017/2018	Råd for menneske med nedsett funksjonsevne	PS	12.11.2018

Sakshandsamar	Arkivsaknr.:	Dokumentnr.:
Arthur Kleiveland	18/2535	18/16014

Godkjenning av innkalling og saksliste

Saksopplysingar:

Innkalling og saksliste er sendt ut.

Framlegg til vedtak:

Innkalling og saksliste vert godkjend.

Råd for menneske med nedsett funksjonsevne - 017/2018**RMNF - handsaming:**

Rådet vedtok framlegg til vedtak.

RMNF - vedtak:

Innkalling og saksliste vert godkjend.

Radøy kommune

Saksframlegg

Saknr	Utval	Type	Dato
018/2018	Råd for menneske med nedsett funksjonsevne	PS	12.11.2018

Sakshandsamar	Arkivsaknr.:	Dokumentnr.:
Arthur Kleiveland	18/2535	18/16013

Godkjenning av møtebok

Saksopplysingar:

Møtebok for 10. september 2018 ligg ved.

Framlegg til vedtak:

Møtebok for 10. september vert godkjend

Råd for menneske med nedsett funksjonsevne - 018/2018**RMNF - handsaming:**

Møtebok for 10. september vart vedteke.

RMNF - vedtak:

Møtebok vert godkjend.

Vedlegg:

Møtebok Råd for menneske med nedsett funksjonsevne 10. september 2018

Radøy kommune

Saksframlegg

Saknr	Utval	Type	Dato
019/2018	Råd for menneske med nedsett funksjonsevne	PS	12.11.2018

Sakshandsamar	Arkivsaknr.:	Dokumentnr.:
Arthur Kleiveland	18/2535	18/16015

Meldingar og referatsaker

Saksopplysingar:

Det vert lagt fram følgjande meldingar og referatsaker.

- a. Spørsmål om SFO-betaling – tilbakemelding til rådet

Framlegg til vedtak:

Meldingar og referatsaker vert tekne til orientering

Råd for menneske med nedsett funksjonsevne - 019/2018

RMNF - handsaming:

Velferdsteknologi: Rådet for menneske med nedsett funksjonsevne var representert på velferdsteknologi-konferansen på Frekhaug. Under orienteringar på fellesmøtet for eldrerådet og råd for menneske med nedsett funksjonsevne orienterte Torill Helland om konferansen. Det vart på konferansen mellom anna framheva at velferdsteknologi skal bidra til meir trygghet, fridom og livskvalitet både frå brukarar og pårørande. Det vart peika på at velferdsteknologi-tiltak må ha god forankring både administrativt og politisk. Dette handlar ikkje om overvaking, men "å vaka over". Menneske og varme hender skal framleis vera den viktigaste ressursen, men velferdsteknologi skal vera eit supplement til anna omsorg / pleie.

I rådet sitt møte vart det også informert om at ei brosjyre om velferdsteknologi skal ut til husstandane i Radøy med det første.

Rådet tok meldingar og referatsaker til orientering, med tillegg sett fram i møte.

RMNF - vedtak:

Meldingar og referatsaker vert tekne til orientering

Radøy kommune

Saksframlegg

Saknr	Utval	Type	Dato
020/2018	Råd for menneske med nedsett funksjonsevne	PS	12.11.2018

Sakshandsamar	Arkivsaknr.:	Dokumentnr.:
Arthur Kleiveland	18/1479	18/16025

Budsjett 2019 - handsaming i råd for menneske med nedsett funksjonsevne

Saksopplysingar:

Rådmannen legg med dette fram første utkast til budsjett for 2019, med oppdatert økonomiplan for 2019 – 22 i form av eit eige dokument, som er vedlagt saka.

I dette utkastet er gebyrdelen ikkje teken med. Årsaka til dette er at det enno går føre seg utgreiingsarbeid knytt til samordning av gebyr innanfor sjølvkostområda mellom Lindås, Meland og Radøy.

Rådmannen legg til grunn at formannskapet drøftar framlegget slik det ligg føre, og at politiske innspel og føringar vert arbeidd inn i eit nytt budsjettframlegg til møte i formannskapet 22. november. Då vil også gebyrframlegg vera ferdig utarbeidd.

Saka vert lagt fram for råd for menneske med nedsett funksjonsevne til drøfting og vedtak.

Rådmannen sitt framlegg til vedtak:

Råd for menneske med nedsett funksjonsevne - 020/2018

RMNF - handsaming:

Økonomisjef Sveinung Kvamme orienterte og svara på spørsmål. Han sa at budsjettet for 2019 er det siste som vert vedteke for Radøy kommune, og at dette budsjettet dannar grunnlaget for budsjett for Alver kommune for 2020. Samla rammetimetilskot og skatt aukar frå 292,5 mill. kroner i 2018 til 300,5 mill. i 2019. Den reelle veksten er på 2,74 prosent, i realiteten mindre enn pårekna prisvekst på 2,8 prosent. Rente- og avdragskostnadene aukar ca 3 mill, både på grunn av auka rentenivå og auka investeringsnivå.

Økonomisjefen viste til at netto driftsbudsjett er negativt med 14,3 mill. Botnlina syner likevel eit reforbruk på kr 145.796,- etter bruk av fondsmidlar.

Han peika på at straumkostnadene og pensjonskostnadene aukar meir enn prisvekst. Auka klassetal på Manger skule, auka driftskostnader på SFO, og krava til bemanningsnorm i barnehagane gir auka driftskostnader. Det er også betydelege meirkostnader knytt til heimebaserte tenester.

Økonomisjefen sa at det ikkje er funne plass til stilling som ergoterapeut i 2019-budsjettet. Andre meirkostnader er knytt til Nordhordland brann og redning, gratis bruk av Radøyhallen for organiserte aktivitetar for born og unge inntil 19 år, og eingongskostnader knytt til arbeid med ny kommune.

Det er i rådmannen sitt budsjettframlegg lagt opp til investeringar for 139 mill. kroner i 2019. Av dette er 31 mill. investeringar i vatn og avløp. Ny barnehage på Bø står oppført med 47 mill. og oppgradering av Solhall med 25,4 mill, som dei klart største investeringane. Ny garderobe med universell utforming knytt til terapibasseng og ny heis i terapibassenget er lagt inn med 1 mill. kroner i investeringsbudsjett for 2019. Økonomisjefen sa at kommunen er i dialog med BOF om baderampe for rullestolbrukarar ved Nesvatnet. Det vert også arbeidd med betre parkeringstilhøve for funksjonshemma ved legesenteret.

Det må lånast 120,6 mill. i 2019 for å finansiera investeringane.

Råd for menneske med nedsett funksjonsevne viser til at rådet tidlegare har drøfta - og gjort framlegg om gratis SFO for born med nedsett funksjonsevne i 5.-7. klasse. Rådet vil jobba vidare for å få gjennomslag for denne saka.

Rådet vil generelt gje uttrykk for at dei er tilfreds med budsjettet. Leiar i rådet, Jannicke Helland, gav uttrykk for at det er kjekt at rådet har fått gjennomslag for innspel.

Det vart gjort følgjande felles framlegg i møtet:

Rådet tar budsjett for 2019 og økonomiplan til orientering.

RMNF - vedtak:

Rådet tar budsjett for 2019 og økonomiplan til orientering.

Vedlegg:

Budsjett_2019_rådmannen (L)(196824)

Radøy kommune

Saksframlegg

Saknr	Utval	Type	Dato
021/2018	Råd for menneske med nedsett funksjonsevne	PS	12.11.2018

Sakshandsamar	Arkivsaknr.:	Dokumentnr.:
Arthur Kleiveland	18/2534	18/16024

Kommuneplan for Radøy kommune - temarevisjon - høyring i råd for menneske med nedsett funksjonsevne

Saksopplysingar:

Saka gjeld delrevisjon av Kommuneplan for Radøy kommune 2011-23. Formannskapet er styringsgruppe for planarbeidet.

Planframlegget er ein temarevisjon og vurderingane i planarbeidet er såleis avgrensa til dei tema revisjonen omfattar. Verknaden av temarevisjonen er omtalt i revidert planskildring. Det er også utarbeidd eiga konsekvensutgreiing for dei nye områda for LNF-spreidd bustad eksisterande (LNF-SBE).

Innkomne merknader til oppstart er gjennomgått og vurdert i samband med vedtak av planprogram, KS-sak 010/2015. Merknadane som har vore særleg viktig i planarbeidet er også omtalt i arbeidsmøte i styringsgruppa, FS-sak 045/2018. Begge saksframlegga er vedlegg til og del av saksframlegg til 1. gongs høyring og offentleg ettersyn.

Framlegg til revidert kommuneplan vil i samsvar med framdriftsplan verta lagt ut til 1. gongs høyring og offentleg ettersyn. Høyringsperioden er lovfesta til 6 veker, men som følge av at høyringsperioden vil gå over jul og nyttår vert høyringsperioden utvida. Høyringsfrist vert sett til 15.01.19

Plandokumenta er no i det vesentlege ferdigstilt, i tråd med signal frå styringsgruppa 04.09.18, FS-sak 045/2018.

Det er rådmannen si vurdering at plandokumenta er utarbeidd i samsvar med Plan- og bygningslova, Kart- og planforskrifta og fastsett planprogram (KS-sak 010/2015).

Rådmannen sitt framlegg til vedtak:

Råd for menneske med nedsett funksjonsevne kjem med følgjande høyringsuttale til kommuneplanen for Radøy – temarevisjon:

Råd for menneske med nedsett funksjonsevne - 021/2018

RMNF - handsaming:

Arealplanleggar Rolf Raknes orienterte og svara på spørsmål.

Planskildring, plankart og planføresegner er reviderte i kommuneplanen. Det er også gjennomført strandsone-analyse, som er lagt til grunn i temarevisjonen. Det er også lagt inn omsynssone for

kulturminne, slik at kulturminne med størst verd får eit vern i kommuneplanen.

Eit viktig grep i kommuneplan-revisjonen er at det no vert opna for tiltak knytt til bustadhus på eigen tomt som no er i LNF (opp til 3 da), tilsvarande praksis som i regulerte område.

Det vart sett fram følgjande felles framlegg i møtet:

Kommuneplan for Radøy - temarevisjon, vert teke til orientering.

RMNF - vedtak:

Kommuneplan for Radøy - temarevisjon, vert teke til orientering.

Vedlegg:

Kommuneplan for Radøy kommune - temarevisjon - rådmannen sitt framlegg

Planskildring utkast KPL delrev 2018 (L)(191506)

KP rev føresegner utkast til offentlig ettersyn 261018 (L)(196432)

Plankart_utkast_25102018_Hoppl (L)(196426)

Plansak 12602013000200 - Kommuneplan for Radøy kommune - temarevisjon - arbeid (L)(191023)

Radøy kommune

Saksframlegg

Saknr	Utval	Type	Dato
022/2018	Råd for menneske med nedsett funksjonsevne	PS	12.11.2018

Sakshandsamar	Arkivsaknr.:	Dokumentnr.:
Arthur Kleiveland	18/2562	18/16323

Politisk styringsstruktur Alver kommune - uttale Råd for menneske med nedsett funksjonsevne

Saksopplysingar:

Bakgrunn

Saka skal til uttale i ungdomsråd, råd for menneske med nedsett funksjonsevne og eldreråd.

Mandat for prosjektgruppa for politisk styringsstruktur og lokaldemokrati vart vedteke i fellesnemnda 12.mars 2018.

Prosjektgruppa skal m.a. koma med framlegg om:

- politisk organisering og struktur for Alver kommune
- tal medlemmar til lovpålagte utval
- utval som ikkje er lovpålagte og tal medlemmar til desse
- delegering av mynde frå kommunestyret

Prosjektgruppa har utarbeidd eit utkast til politisk styringsstruktur og reglement for Alver kommune. Dette ønskjer dei at ungdomsråda, råd for menneske med nedsett funksjonsevne og eldreråda i Radøy, Meland og Lindås skal koma med innspel til.

Prosjektgruppa bed særleg om tilbakemelding på følgjande, men råda kan sjølvsagt uttala seg om det ein ønskjer:

- saksområde
- tidspunkt for møta
- kor ofte skal det vera møte
- tal medlemmar

Utkast til reglement for politisk styringsstruktur i Alver kommune ligg vedlagt.

Sak om politisk styringsstruktur og reglement for Alver kommune vil på eit seinare tidspunkt bli sendt på høyring. Råda vil då få uttala seg på nytt.

Rådmannen sitt framlegg til vedtak:

Råd for menneske med nedsett funksjonsevne - 022/2018

RMNF - handsaming:

Rådet for menneske med nedsett funksjonsevne har drøfta framlegg til politisk styringsstruktur i Alver kommune.

Det vert sett fram følgjande felles fram til uttale:

Råd for menneske med nedsett funksjonsevne i Radøy ønskjer at Rådet i Alver kommune kjem med uttale i saker som er særleg viktige for menneske med nedsett funksjonsevne. Dette gjeld mellom anna arbeid mot diskriminering på grunnlag av nedsett funksjonsevne og tenester for menneske med nedsett funksjonsevne. Det er viktig at rådet får kome med uttale på eit tidleg tidspunkt. Me meiner dette er med på å sikre god brukarmedverknad. Rådet kan og ta opp eigne saker.

Rådet bør bestå av 9 medlemmar med vara. Val av representantar skal følgje «Lov om råd eller anna representasjonsordning i kommunar og fylkeskommunar for menneske med nedsett funksjonsevne m.m». Det er eit ønske at leiar eller nestleiar skal vere ein representant frå brukarorganisasjonane. Når det gjeld møtetidspunkt er det høveleg at møta vert lagt til dagtid. Me ser for oss at det kan vere naturleg med møte ein gong pr. månad, oftare dersom sakshandsaming krev det.

Rådet vedtok framlegg til vedtak sett fram i møtet.

RMNF - vedtak:

Uttale til politisk styringsstruktur i Alver kommune:

Råd for menneske med nedsett funksjonsevne i Radøy ønskjer at Rådet i Alver kommune kjem med uttale i saker som er særleg viktige for menneske med nedsett funksjonsevne. Dette gjeld mellom anna arbeid mot diskriminering på grunnlag av nedsett funksjonsevne og tenester for menneske med nedsett funksjonsevne. Det er viktig at rådet får kome med uttale på eit tidleg tidspunkt. Me meiner dette er med på å sikre god brukarmedverknad. Rådet kan og ta opp eigne saker.

Rådet bør bestå av 9 medlemmar med vara. Val av representantar skal følgje «Lov om råd eller anna representasjonsordning i kommunar og fylkeskommunar for menneske med nedsett funksjonsevne m.m». Det er eit ønske at leiar eller nestleiar skal vere ein representant frå brukarorganisasjonane. Når det gjeld møtetidspunkt er det høveleg at møta vert lagt til dagtid. Me ser for oss at det kan vere naturleg med møte ein gong pr. månad, oftare dersom sakshandsaming krev det.

Vedlegg:

Reglement Alver kommunestyre - UTKAST